



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De Origine Officij Diuini. 2.

urn:nbn:de:hbz:466:1-9521

2 Horæ dictæ sunt, vel ab orando: nam hora idem videtur esse, ac ora, cum aspiratione, Dëum, vel melius: quia definitis horis ex instituto Ecclesiæ recitantur. *Azor.par.1.lib.10. cap.1. quest.1.*

3 Canonicae appellantur, id est Regulares, quia iuxta regulam Ecclesiasticam. Alij dixerunt, quia Canonicorum Choro addictorum sunt preces. *Azor.vbi supra.* Alij, quia Canonicum, & Ecclesiasticum sunt idem, quod probat Steph. Durand. lib.3. de ritibus cap.1.

4 Horæ Canonicae dictæ sunt aliquando, *Cursus*, ut in vita S. Germani Episcopi, Parisiensis scribit Fortunatus Pictor, Episcopus c.64. & 79. apud Sur. Tom.3.

De origine Officij diuini.

Cap. II.

1 **A** Postoli ab Hebreis accepere horas orandi, & hora Tertia erant orantes in Pentecoste. *Act.2.* hora Sexta Petrus orabat. *Act.10.* ad Horam Nonam ascenderunt in Templū Petrus, & Ioannes. *Act.3.* Media nocte orabant Paulus, & Silas. *Act.16.* quare eisdem horas prescripsere fidelibus *ex Clement. lib.8. constit. cap.40.* Non ergo Pelagius Ivt ait *Maurolicus in Martyrolog. 27. Augusti*, neque Pelagius II. vt voluit Polidor. *Virgil. lib.6. de inuent. rerum cap.2.* Neque Damasus, *ex Pontificali c.39. in eius vita*, dicendi sunt auctores, sed ij, vel formulas officij Decretis firmauerunt, vel titulus amplificauerunt.

2 Certe Gelasius I. & duo Gregorij I. & VII. formulate officij, quia nunc vniuersitatem dicuntur Constitutores, & Reformatores à Pio V. in Bulla sua initio *Breviarij edita*, & non alij.

3 Præterea certum est, nō eodem tempore Horas omnes institutas fuisse. Nam Primam, & Completorium, ultimò fuisse additas docet *Radulphus Tungrensis prop.14.* & nos dicemus, cum de singulis Horis agemus, Sectione quarta.

De partibus diuini Officij, & Horarum numero. Cap. III.

1 **S** Eptem horæ sunt, & octo, de quibus forte mandatum accipis, ut des illi partem. *Ecccl.11.* communior est opinio, septem esse, Matutinum, Primam, Terriam, Sextam, Nonam, Vespertas, & Completorium. ita *in Concil. Cabili.2. can.59.* iuxta illud *Psal.118.* Septies in die laudem dixi tibi. suse Azor. cap.1. quest.2.

2 Qui volunt esse octo, dividunt Laudes à Matutino, & deducunt ab Esdra lib.2. cap.9. Qui quater in nocte, & quartus in die iussit laudari Deum. *lege Narr. de orat. cap.3.*

3 Romæ nullum fuit interstitium inter Matutinum, & Laudes, ut testatur *Amalar. in prolog. de ord. Antiphonarij.*

4 Ordo Horarum patet *ex cit. Concil. Cabili. quamuis Rabanus lib.2. de inst. cler. cap.3.* easdem numeret incipiens à Laudibus, quas vocat Matutinas preces, & eas terminet in nocturnas Vigilias, sed hæ certè, hoc ordine posito, spectarent potius ad sequentem, quam ad precedentem diem.

5 Non caret mysterijs hic numerus Horarum septenarius: & primo respectu creationis, ut agamus Deo gratias pro rebus creatis in septem diebus, ita *Cassianus de inst. Mon. lib.3. cap.3.* Secundò, Redemptionis nostræ mysteria his horis operata fuisse; nam media nocte natus est Christus, & resurrexit. Hora prima ductus ad Pilatum. Tertia linguis Iudeorum in Crucem actus, flagellis caesus, spinis coronatus. Sexta verè Cruci affixus. Nona expirauit, & ad inferos descendit. Vespertina de Cruce depositus est; eadem hora cœnauit, pedes lauit, Eucharistiam consecrit. Hora Completorij orauit in horto. Tertiò respectu nostri, Septies in die cadit iustus. *Proverb.24.* & nos septies orando resurgimus. Quartò, numerus vniuersitatis est septenarius, *ex S. Greg. Papa.* & in multis à Sanctis Patribus commendatur. Quintò, Septem assulit Demon nequiores